

Joa

Yenki an kréyòl an pé di-w sa !

...É sa fèt adan on bat zyé
An té ja vlé santi lèw a-w si tan mwen
Pou konnèt dousé a yo, savè a yo
Fè lang an nou liyanné kon dévoran
Onfwa onfwa, an tèt an mwen, an fè lantou a kò a-w.

Annou palé dè lanmou an lang kréyòl Gwadeloup : lanmou a tout, an tèt é an kò. Palé san chichi san tralala.

On fanm désidé mété kréyòl douvan adan réyalité a lavi onlo moun té ké vlé gadé anba fèy : plézi, karès, lanvi, santiman fò...

Avè on kréyòl doubout ki bèl, ki dous. Avè on kréyòl ki ka sòti an fenfon kè, an zantray an nou, san tabou, san pwan gad, i chwazi fè lang la rantré natirèlman ola bon enpé moun jijé fò i rété dèwò a kabann, a plézi, a swé a lanmou, pou montré jan lang an nou pé rantré adan tout karé a lavi, pou mété-y a lonè, gloryé-y é pa wont li. Sé on grenn sèl pou kréyòl pwan tout plas a-y é tout valè a-y.

Joa sé on fanm Gwadeloupéyèn. Lontan lidé a ékri té ka drivé an tèt a-y. Mé i té ka kalanjé davwa yo toujou di-y « tout pawòl pa bon pou di ». Jòdi, i désidé halé pòt-plim pou fè nou dékouvè on pwemyé liv poèm. Sa ni on gou komansman.

14.00 €



Joa



Yenki an kréyòl
an pé di-w sa !

Joa

Yenki an kréyòl an pé di-w sa !



ÉDITIONS

Ka Mawòk